


1887 - Cuort diari

Las paucas notizias en fuorma da diari derivan da Lucas Cavegn Caveng (1844 - 1922). Entginas notizias ein interessantas e sveglian damondas!

Fatg in fetg ruh e freid unviern. Gl'atun fein bienmarcau, la primavera cars. Gievgia grassa excess Caduff – Lucas Cavegn da **Rueras**. Visadas da Gion Andriu Berther, inquisaziun da Condrau, Cargiet ariguard giuvna da Stiafen da **Tschamut**.

Matg, 1

Stau cumin, ein eligi: Anton Carigiet, *mistral*, president, geraus: A. Carigiet, C. Decurtins, A. Condrau, C. Latour, Bat. Carigiet, Cristian Muggli e Salvator Monn da **Sumvitg**; deputai: *Anton* Carigiet, pres., Decurtins Casper, *Augustin* Condrau, pres. *Anton* Tuor e Casper Latour. Hai surviu il gentar a 65 personas ella Cruna.



Matg, 4

Oz hai arau e finiu segal e truffels. Mess ora in ster segal. La sera draccau, tunau e camegiâu. Ils praus ein ussa libers da neiv, ils mises da maun seniester ein da neiv, bia lavinas.

Matg, 20

Oz mess ora ils truffels, siat stera biebein e fatg si la cuort dallas **Sorts**. Oz ei neiv, hai stuiu cumprar fein, con?, ina tschuncheisma per 45 frs. En general fatg ina schliata primavera, schegie buca fetg freida. Tochen oz eran en **Tujetsch** mo dus purs i a mises cun vaccas. Ils 15 da matg ha il pievel svizzer votau sulla lescha d'alcohol, pegliau il pli per 120'000 vuschs ed il vinars ei cheutras daventaus in monopol dil stadi.

Matg, 26

Oz per fatg mundi cullas nuorsas, las cauras ils 2 da zercladur. Giu cun miu fein tochen ils 22 da matg. Giachen Martin Beer ei ius naven dallas **Sorts** culs tiers ils 31 da matg, jeu sun era vegnius quei di sper casa.

Matg, 30

Stau vischnaunca a **Sedrun** e confirmau la suprastonza vedra (*Cristian Muggli, Rueras (1851 - 1902), Vigeli Berther, pign, Camischolas, Vigeli Berther-Desax, Sedrun*). Entschiet empau megliera aura da primavera.

Zercladur, 8

Piars ina stiarla che havevel cumprau da Schmet da Clau da **Quoz, Mustér**, donn, otg marenghins, era havevel piars igl avrel in vadi.

Fenadur 14

Cargau ad alp a **Tschamut** ina vacca e duas cauras. Ils 31 da fenadur tratg dad alp 61 funs caschiel, 27 funs tschagrun e 16 funs pieun.

Fenadur

Finiun da far fein ils 31 da fenadur, fatg atras atras duront il meins aura schetga, mo tonaton mintgadi in uradi, aschia che quasi tut fein ei staus bugnaus pauc ni bia. Dau en bien prau, bien e daried fein.

Uost, 3

Oz rugalau il process Cavegn – Caduff. Caduff mat sesa in meins e paga circa 400 frs. - La vischnaunca ha en siu process encunter Decurtins era gudignau e sto buca mantener il tetg sin tegia da **Tschamut**. Decurtins ha circa 500 frs. spesas, vischnaunca 100 frs.

1887 – Remisa pellas sprezzas

*La foto muossa la casa da scola Sontget a Gonda, ch'ha aviert las portas igl atun digl onn 1887.
Il medem onn ei vegniu tschentau leu davontier, egl ost, ina remisa per las sprezzas da fiug da Sedrun.*

Il magazin da pumpiers sesanflava avon en casa da scola veglia a Cadruvi giu el plaunterren cun entrada el vest.



Sin supplica dalla ludeivla vischnaunca da **Tujetsch** ha sur Thomas Beer, da quellas uras plevon a **Tujetsch**, concediu circa in bien fest da prau terren, v.d. prau en il cantun orasisum dil **Dulezi**, grad sut il sontget (*dils mats*), per diever da tschentar leu ad interim ina remisa per conservar en quella las sprezzas da fiug da **Sedrun** e quei sut sequentas cundiziuns:

1. Ch'il sura allegau concediu péz sulom resti adina nunquestiuneivla proprietad dalla farria da **Tujetsch**.
2. Che tutta crappa entadem il **Dulezi** sut la scarpa, schada anavos dalla via vedra, vegni primavera proxima tratga davenda ord il **Dulezi** dalla vischnaunca anora.

Il sura attesta:

La vischnaunca da **Tujetsch**

Per quella:

Soliva Johann Anton, president communal

Tujetsch, ils 4 da november 1887



Dretg dalla scola la remisa per la sprezza da pumpiers

1889 - Uorden da fiug

Ina cumissiun da vischnaunca, eligida per adattar igl uorden da fiug, amplifichescha igl uorden da fiug dil cumin cun entgins pugns supplementars. Il stizzar fiug survegn ina organisaziun ed ina structura. Mintga vischinadi ha siu um che surpren il commando. Plinavon vegn fixau tgei umens ein vid las sprezzas. Lu vegn numnau quel che diregia il «mundspitz» ed in surveigilader dils «schlauchs». Per quels Dadens igl Uaul drova ei in pot da fiug.

Uorden da fiug dalla vischnaunca Tujetsch

En execuziun ed amplificaziun digl uorden da fiug da cumin, ha la cumissiun radunada, ils 6 d'avrel 1889, a **Sedrun**, aunc tschentau si sequents pugns supplementars.

1. Vegn fixau per las sprezzas grondas dus supremis directurs, ils quals dueien dalla vischnaunca undreivlamein vegnir indemnisai, per tut las breigias, ch'els ston far per unscher, schubergiar e mantener en bien stan las sprezzas, schlauchs etc., buca aber per breigias fatgas tier emprovas ed instrucziuns ordinarias dalla suprastanza. Quels dus umens dueien el medem temps haver, quel a **Sedrun** la surveigilanza sur la sprezza pintga a **Surrein** e quel da **Rueras** la surveigilanza dalla sprezza pintga a **Selva**. Per agid tier quellas lavurs, ch'els san buca far persuls, pon els trer tier in ni dus auters luvriers da lavur cumina, ils quals han schurnada a norma dil temps impundiu, sco ei fixau egl uorden da lavur cuminas.


Per la sprezza a **Sedrun** ei proponiu sco sprezza-meister signur Beer Gion Bistgaun, fravi. Per quella a **Rueras** signur Berther Gion Antoni.

Per plazzar las sprezzas e la gliedud en cass da barschaments ed en quels cass ordinar las necessarias lavurs ein fixai sco comandos: dadens **Dutg Grond** Berther Gion Antoni e dador **Dutg Grond** gerau Berther Vigeli da **Sedrun**. Suppleants per quels en cass d'absenza, Cavegn Giachen Fidel e gerau Soliva Bruno. Quei fuss d'entelgir aschia che la surveigilanza dalla suprastanza sco tala, ha aunc adina d'esser la davosa istanza e directura, tenor las determinaziuns digl uorden da fiug dil cumin.

Sigl actual plaz da fiug duei mintgagada esser in um che hagi la cumpetenza da cumandar, tgei lavurs dueien vegnir fatgas per schurmegiar auters baghetgs, per deliberar ord il fiug ni el prighel tiers, restis etc., sco era fixar las postas per ils directurs dil „Schlauchspitz“, dallas scalas frisachens etc., in summa tuttas lavurs, che crodan neu da quellas uras. En mintga vischinadi duei vegnir legiu ora in um leutier e sco tals ein proponi ils sequents:

Sedrun:	Huonder Sep Flurin
Camischolas:	gerau Berther Vigeli
Rueras:	Capeder Anselm
Selva:	Florin da Fidel Wenzin
Surrein:	Curschellas Alois
Cavorgia:	Hendri Alois
Bugnei:	Deragisch Vigeli

Essend ch'igl ei tier cass da fiug buc adina pusseivel, che tut seigi el medem mument sil plaz, sche vegn ei per evitar memia gronds embrugls, e dar a mintgin empau idea nua els han da



seplazzar igl emprem mument, fixau che sequents umens dueien esser plazzai vid las sprezzas. E zuar vid quella a **Sedrun**:

Wenzin Sep Antoni
Wenzin Vigieli
Schmet Giachen Martin
Beer Gion Bistgaun, **Gonda**
Werth Vigieli, mat

Cavegn Florentin
Monn Gion Antoni da Madleina
Cavegn Giachen Giusep
Deragisch Gion Bistgaun
Curschellas Tumaisch, **Bugnei**

Poltera Giachen
Monn Gion Andriu
Beer Ignazi
Gamboni Sep Fidel
Balzart Sep Antoni

Monn Vigeli da Vigieli
Monn Gion Battesta
Monn Rest Valentin
Biart Vigieli, giuven
Monn Gion Michel

A **Rueras**:

Riedi Giusep
Berther Alois
Hetz Gion Fidel
Wenzin Giachen Antoni
Muggli Christian

Beer Giachen Martin
Cavegn Giachen Antoni
Caduff Alois
Caduff Gion Fidel da Hans Giachen
Berther Chrisost

Monn Hans Giachen
Loretz Franz Giusep
Hetz Gion Bistgaun
Schmet Duri Vigieli
Wenzin Paul Giusep

Deplatz Gion Anton
Monn Falizi
Giossi Giachen Antoni
Riedi Gion Fidel
Berther Gion Fidel, giuven

Per direger il „mundspitz“ dalla sprezza a **Sedrun** ei proponiu Beer Toni da Hasepr e gidonter Jacomet Plazi. Per quella da **Rueras**: Giger Gion e gidonter Berther Gion Andriu

Era ei numnau per mintga sprezza in survigilader dalla lingia dils „schlauchs“, il qual ha la missiun da mirar sissu, che negin passi sils „schlauchs“, volvi vi e neu ni strubegi quels.

A **Sedrun** ei numnau en quella piazza: Martin Schmet, a **Rueras**: Palj Gion Antoni.

Sco pot da fiug per dar part **Dadens igl Uaul** ei numnaus: Monn Sep Martin da **Rueras**.

Ils sprezza-meisters ston tier las inspecziuns dallas sprezzas pintgas, era mintgamai far far emprovas cun quellas, e dar ad entgins dil vitg la necessaria instrucziun sur il ranschament da quellas.

Cura ch'ins ei sil plaz dil fiug, sto tut star sut camond dalla suprastonza e dils directurs dil plaz; tgi che cumpara aber buca tier barschaments, vul dir tgi po ira, priu ora gliued veglia, dueien dalla suprastonza scharfamein vegnir castigai. Era tier las instrucziuns ed emprovas ordinadas dalla suprastonza, dueien cumparer ils umens tuts sut peina da castitg, priu ora pasturs, ch'ei vid ils tiers.

Fixar cura far las emprovas?

La suprastonza duei ordinar, ch'ei vegni els vischinadis gronds mess neu ils necessaris cundrezs per saver tschaffar l'aua senza stuer memia ditg piarder temps, procurar sufficientamein per „schlauchs“, sco era per scalas adattadas e frisachens buca memia grevs.

1889 – Project per in uorden communal per la vischnaunca Tujetsch sur il tener s.v. bos ni taur da raz

Il protocol da vischnaunca noda sut ils 3 da mars 1889: Ha la vischnaunca anflau per bien d'empruar da far in uorden ariguard il tener s.v. taur da raz, nua che mintga vischinadi duei tarmetter in per umens per sedeliberar sur da quella caussa per saver metter avon in pareri alla vischnaunca. - Gia ils 14 da mars 1889 succeda la presentaziun dil project: Ei vegniu legiu avon il project ed uorden luvraus ora per tener ils s.v. taur da raz, il qual uorden ei lura dalla vischnaunca vegnius approbaus talis e qualis sco el fuva fatgs, il qual uorden ei adina d'anflar tier l'administraziun da vischnaunca. Suenter ei lura aunc vegniu legiu ora la cumissiun cun ses suppleants che han d'inspectar tuts s.v. taur da vischnaunca e quels lura declarar per admissibels ni buc. Ils cheutier eligi ein ils sequents: gerau Bruno Soliva, Gion Antoni Paly e Sep Berther, Dieni. Suppleants: Plazi Jagmet, Giachen Martin Berther e Hans Giachen Decurtins.

Sut datum dils 15 da mars 1889 ei conform ad in respectiv conclus da vischnaunca dils 3 da mars, stau radunau a **Sedrun** ina cumissiun formada ord delegai dils differents vischinadis per tschentar si in commensurau project per in uorden da vischnaunca co menar en in avantagius e per mintgin nizeivel uorden da tener buns taur da raz.

Suenter ch'igl ei stau dau caschun als representants dils differents vischinadis d'exprimer ils giavischs e las opiniuns da quels, suenter ch'ins ha priu notizia dils divergents meinis persunals, ein finalmein tuttas parts s'unidas en las differentas damondas ed han proponiu da metter avon alla ludeivla vischnaunca in project en moda suandonta:

1. Ei unanimamein vegniu stipulau che la vischnaunca duei ord siu miez leger ora ina cumissiun da 3 commembers, la quala hagi inapelablamein dad inspectar tut ils taur en vischnaunca e decider quals da quels duegien vegnir approbai ni refusai tenor norma e cundiziuns che vegnan aschuntas a quest uorden per in renconuschiu taur da raz.
2. Tuts taur che vegnan da questa cumissiun buca renconuschi per buns, astgan buca vegnir duvrai en vischnaunca per diever da raz.
3. La vischnaunca vegn, priu ora **Selva, Tschamut e Cavorgia**, partida giu en dus rots principals, numnadamein I. rot formeschan **Sedrun, Gonda, Bugnei e Surrein** ed il secund rot formeschan: **Camischolas, Zarcuns e Rueras**. Per mintgin da quels rots duei esser en disposiziun dus s.v. taur per il diever dils quals duei vegnir partiu giu las vaccas definitivamein aschi uliv sco pusseivel e commensurau dils respectivs rots e lura vegnir tagliau comunablamein pustretsch per quels.
Per cass momentans che san curdar tier ad in tier ni l'auter, ch'ei schiglioc habels pil survetsch, duein quels dus taur dil respectiv rot stuer segidar ora in l'auter senza ulteriura indemnisaziun da quel che ha las vaccas.
4. Essend che **Selva** cun **Tschamut**, sco era **Cavorgia** crodan era sut controlla da vischnaunca, pil cass ch'il present uorden vegn acceptaus, formeschan aber mintgin per sesez esser mo in pign rot, che sa commensuradamein buca vegnir unius cun auters rots senza agen donn e pregiudezi, vegnien aber muort il bass diember da lur tiers pli engraviai da stuer metter neu admissibels taur da raz, sch'ei stipulau da dar a quels dus rots annualmein ord cassa da vischnaunca in subsidi da 30 frs. per rot.
Dil reminent ei schau sura a mintga rot da contractar e procurar sez per ils necessaris tiers, ed il manteniment da quels.
5. Tuttas vaccas adossadas tier in rot ston pagar en quel ed astgan buca vegnir menadas tier ils taur d'in auter rot, priu ora en in urgent basegns en il qual cass ils respectivs rots ston schar guder siu taur senza ulteriura bonificaziun.

6. Suentar ira a mises sa mintgin menar sias vaccas nua ch'igl ei ad el il pli damaneivel, sto aber pagar mo en siu rot.

7. Digl εμπrem da matg san la mesadad dils tiers vegnir vendi, secunvegnend ils possessurs dils taur in cun l'auter en riguard dil vender sco era dil menar las vaccas.

8. Tuts vadials che vegnan teni taur per diever dils rots, han ils respectivs possessurs il dretg da metter la stad per las pastiras da casa entuorn, nua ch'ei plai ad els.

9. Per l'urentada dils taur, la quala duei mintg'onn haver liug els treis εμπrens dis da december, retilan ils experts 2 frs. per taur, ils quals ils respectivs rots ston pagar, pil cass ch'in tier vegn buca approbaus l'emprena gada, sto il pagament vegnir fatgs tuttina, tier la secunda urentaziun vegn lura aber pagau nuot als experts.

10. Las qualitads per in admissibel taur ston esser las sequentas:

1. Grondezia: igl εμπrem da december per in stierl 6 ½ quartas vedras aults, per in mutg 7 ½ quartas.

2. Peil: clar blau tochen stgir blau

3. Qualitads: bien dies e buna comba normala, pitgarina lada e biala corna.

Ils stiarls ston Daniev esser 1 onns vegls ed esser stai la stad silla jarva.

11. Il present uorden duei cuzzar per 10 onns.



1891 - March – Urkunde

Il Pass Alpsu, pli da vegl Christpalger- ni Christpalzerberg, ei plitost ulivs sigl ault dil pass, quei che possibilitescha pli tgunsch dispetas pervia dalla pasculaziun. Gia ils 13 da settember 1563 han ils representants dalla Cadi e d'Ursera rugalau ils cunfins.

La davosa verificaziun dils tiarms el 19avel tschentaner fuva venida fatga ils onns 1836/37. Sin giavisch dil Cussegl Pign, cun accordanza dalla regenza dil cantun Uri, duei vegnir renovau ils cunfins. La vischnaunca da Tujetsch ei stada representada cul president communal Gion Antoni Soliva e gerau Tumaisch Berther.

March – Urkunde über die Landesgrenze Uri-Graubünden

Nachdem seit 1836 die Vermarchung der Landesgrenze keiner Revision unterworfen worden, so wurde auf Vorschlag des Kleinen Rates des Kantons Graubünden und im Einvernehmen des Regierungsrates des Kantons **Uri** eine Erneuerung vorgenommen.

Die endesunterzeichnete Kommission hat sodann an Hand des Marchinstrumentes vom Jahre 1836/37 die Grenzlinie in folgender Weise bereinigt und im gegenseitigem freundschaftlichem Einverständniss festgestellt.

Zur Vermarchung wurden auch beigezogen:

Von der Korporation **Ursern**: Hr. Vizepräsident Casimir Nager
Hr. Korporationsrat Adelrich Meyer

von **Graubünden**: Herr Ingenieur Peterelli

vom Kreisgericht **Disentis**: Herr Gerichtspräsident Jakob Condrau

von der Gemeinde **Tavetsch**: Herr Gemeindepräsident Johann Anton Soliva
Herr Thomas Berther, Gemeinderat

1. Auf dem links ob der nach **Tschamut** führenden Landstrasse liegenden grossen Stein war nur noch ein gegen Süden schauendes kleines + (*Kreuz*) sichtbar. Dieser Grenzstein wird als solcher bestätigt, das March + erneuert und die Buchstaben **C U** und **C G** nebst der Jahreszahl 1891 neu eingegraben. Unmittelbar ob diesen Stein steht noch ein zweiter Grenzstein mit den Worten „Uri-Graubünden“ und der Jahreszahl 1837.

2. Von da an wurde die Grenze gegen den **Pazzolastock** begangen. Das im früheren Marchinstrument etwelche Klafter herwärts einem Gipfel befindliche Marchkreuz, konnte nicht aufgefunden werden. Gleichwohl wird die Grenzbeschreibung vom Jahre 1836/37 neuerdings genehmigt, indem solche auch mit der Grenzlinie auf der eidgenössischen topographischen Karte 1:50'000 übereinstimmt.

3. Bei Begehung der nach Norden führenden Grenze wurde das zweite Marchkreuz auf einem im sog. **Bühl** befindlichen aufrecht stehenden Stein aufgefunden und erneuert.

4. Die dritte March in einer Tiefe nächst dem Bach konnte nicht mehr gefunden werden, indem die mit + versehene Platte vom Bach entweder überschüttet oder sonst entfernt wurde. Als Ersatz wurde sodann in einem ungefähr 200 m vom zweiten Marchstein und etwa 30 m unter der neuen zur **Calmot** Befestigung führenden Strasse am rechten Ufer des Baches liegenden Felsblock U+G neu eingehauen.

5. Beim vierten Grenzpunkt auf dem sogenannten **Bergli** lagen zwei behauene mit dem Namen **Uri** und **Graubünden** versehenen Marchsteine am Boden. Dieselben wurden in

Winkelform aufgestellt und zeigen die Richtung an nach der dritten und fünften Marchstelle.

6. Von da in gerader Richtung zur Bergspitze hinauf wurde auf einem etwas links unter dem Gipfel liegenden nach vorn senkrecht abfallenden, breiten, glatten Felskopf das fünfte March aufgefunden, erneuert und durch die Jahreszahl 1891 ergänzt.

Altdorf und **Chur** den 13. Juli 1891

Sig. Pr. Peterelli R. R.

Joh. Furrer R.R.

J. Zieri, Landschreiber

Der Regierungsrat beschliesst:

Es sei der vorstehenden March-Urkunde die Genehmigung erteilt.

Namens Landammann und Regierungsrat des Kantons **Uri**

der Landammann C. Müller

der Landschreiber Lauener

Altdorf den 2. April 1892

Der Kleine Rat beschliesst

Es sei der vorstehenden March-Urkunde die Genehmigung erteilt.

Namens des Kleinen Rates des Kantons **Graubünden**

Der Präsident

And. Walser

Der Kanzleidir

C. Fient

Chur, den 2. April 1892



Pass Alpsu

1891 – Las differentas taxas

Las differentas taxas vegnan pil pli fixadas regularme in entras la radunonza da vischnaunca. Quella gada plaida il protocol dils 18 da matg 1891 d'ina necessitad da sanar las finanzas.

«Vesend la ludeivla suprastonza che cun il present tener casa vegni quella anavos en sias finanzas, ha ella proponiu ina cumissiun per schar intercurir nua ei seschassi spargnar ni sin tgei moda ins vegli taxar la gudida dils beins communal e lura metter avon alla ludeivla vischnaunca in pareri da quellas varts. En quella cumissiun ein eligi: ils treis signurs geraus en uffeci, signur gerau Cristian Muggli, omisdus, gerau Vigeli Berther, signur Stiafen Beer, gerau Gion Battista Monn, signur Gion Paul Berther, signur Luis Hendrich Hendry e signur statalter Fidel Venzin.»

«Ei il niev pareri luor aus ora dalla numnada cumissiun dils 18 da matg onn current, ariguard spargnar en nies tener casa communal ni in'augmentaziun per la gudida dils beins general, vegnius approbaus, priu ora en dus puncts. Il respectiv uorden ni pareri ei da ver en igl archiv da vischnaunca.»

Las Differentas Taxas

<u>Lennas en schetgas</u>		<u>Uauls cumins.</u>	
La sort da fiug paga	1.50	1 lenn dad aissas	2
1 lenn dad aissas	7	1 quader	1.25
1 quader	3.50	1 lenn da clavau	65
1 latta gronda	50	Bischels, il br.	1.05
1 latta pintga	25	1 slusels, il per	20
Il lenn da slondas da mintg' auter onn paga 5 fr.			
<u>Tiers</u>			
<u>La taglia.</u>		<u>Arvers</u>	
Ina vacca ni genetscha paga	1.20	1 vacca paga	7
Stiarls	60	1 mugia	6
Vadials	30	1 stierl	4.50
Tiers manedels, il tgau	15	1 vadi vegl	3.40
1 cavagl	2.40	1 vadi giuven	1
1 pulein	60	Tiers manedels, il tgau	1
		s.v. tiers casa sur 1 onn	2
		1 cavagl per nos vischins	17
Mirs encunter la pastira vegn indemnisau cun 85 rps. la tschuncheisma. Fein jester paga 2.50 la tschuncheisma. Petgas suenter la via pagan 3.80 frs. in a Petgas dad orts pagan 1.80 frs. in a			

Lennas en schetgas		Uauls cumins	
La sort da fiug paga	1.50 frs.	1 lenn dad aissas	2 frs.
1 lenn dad aissas	7 frs.	1 quader	1.25 frs.
1 quader	3.50 frs.	1 lenn da clavau	65 rps.
1 latta gronda	50 rps.	Bischels, il bratsch	1.05 frs.
1 latta pintga	25 rps.	Slusels, il per	20 rps.

Il lenn da slondas da mintg' auter onn paga 5 frs.

Tiers

La taglia		Arvers	
Ina vacca ni genetscha paga	1.20 frs.	1 vacca paga	7 frs.
Stiarls	60 rps.	1 mugia	6 frs.
Vadials	30 rps.	1 stierl	4.50 frs.
Tiers manedels, il tgau	15 rps.	1 vadi vegl	3.40 frs.
1 cavagl	2.40 frs.	1 vadi giuven	1 fr.
1 pulein	60 rps.	Tiers manedels, il tgau	1 fr.
		s.v. tiers casa sur 1 onn	2 frs.
		1 cavagl per nos vischins	17 frs.

Mirs encunter pastira vegn indemnisau cun 85 rps. la tschuncheisma.

Fein jester paga 2.50 frs. la tschuncheisma

Petgas suenter la via pagan 3.80 frs. in a

Petgas dad orts pagan 1.80 frs. in a